

## La feglia croda .....

Atun, vargheivladad e speranza.

Nos vitgs han gia viu l'emprema neiv. In di sin l'auter ei nosa cuntrada vegnida alva. Las bialas fluras che han aunc fluriu, ein buca pli. Ussa crodan era ils davos fegls dallas plantas. Tut quei s'auda el temps d'atun. In process che negin sa fermar.

Duront il temps d'atun fagein nus era pli savens patratgs che tut ei svaneivel. Ils dis vegnan pli cuorts e las notgs pli liungas. Nebla, bletsch e ferdaglia dattan ina atmosfera nunagreabla, gie ina tresta. Biars carstgauns han buc pli las forzas e la motivaziun sco duront il temps da stad.

Il grond poet Rainer Maria Rilke ha scret ella poesia enconuschenta:

„La feglia croda, croda sco da lunsch,  
sco curtgins lontans sfluressan viaden el tschiel; ...  
Nus tuts curdein ...  
E tuttina dat ei In, che tegn migeivel ed infinitamein  
quei curdar en ses mauns.“

El meins da november seregurdein nus da nos defuncts: Igl εμπrem da november da tut ils sogns, ed il secund da tut nos cars parents ed enconuschents, ch'ei i ordavon a nus.

Medemamein mirein nus era sin quel, che tegn migeivel ed infinitamein quei curdar en ses mauns. Il Diu viv e sogn stat sur da tutta svaneivladad. El fa buc, che nus stuessien buca pli prender cumiau da nos cars, mobein tegn tut en ses misericordeivels mauns. Il temps d'atun ei buca mo in temps da cumiau e svaneivladad, mobein era il temps dalla speranza, d'esser inagada ella segirezia e carezia dil Segner.

Buc il davos ei il temps d'atun ina visiun viers il temps d'Advent, nua che ina GLISCH sclarescha enamiez la stgiradetgna.

*Sur Peter*

## Informaziuns per Laax

Communiun dils malsauns: Mesjamna, ils 11-11-09 **suentermiezdi**.

### Uras d'aduraziun da Numnasontga

Nus recumandain a Vus las uras d'aduraziun.

14.00h – 15.00h Spenda / Geinas / Tului-su / Cons / Salums/ Murschetg

15.00h – 16.00h Crest / Val / Tului-sut / Via Larisch / Via Selva / Via principala

16.00h – 16.30h Davos baselgia / Via Streia / Via Falera / Via Fau

Via Grava / Via Fandreis

### 16.30h **Viaspras e reposiziun**

**Devoziun per ils pigns**, mesjamna, ils 11 da november 2009 allas 15.30h en la Sentupada. Nus envidein cordialmein tuttas mummas ed affons pigns a quella devoziun.

**Entschatta dalla restauraziun** dils altars en baselgia parochiala mardis, ils 3 da november 2009 entras signur Joos d'Andeer.

Ord quei motiv vegn la s. Messa celebrada duront l'jamna ella Sentupada. Consultei per plascher il plan liturgic.

### Gratulaziuns:

Ils 4 da november 2009 gratulein nus ad Ursula Blücher von Wahlstatt per siu 80-avel natalezi ed ils 9 da november 2009 festivescha Marianne Stesel siu 85avel onn da naschientscha. Allas giubilaras giavischein nus da cor tut bien, in bi di da fiasta, bia plaschers ella veta da mintgadi ed oravontut buna sanadad.

### Radunonza dall'Uniun da dunnas, dumengia ils 8-11-2009

La suprastonza envida tuttas commembras sco era novas fatschas a quella radunonza che dat in'egliada el passau ed orientescha davart las novas activitads. Dieus paghi per vies agir pil beinstar da famiglia e cuminonza.

**Mardis, ils 10-11-2009 allas 19.00h** celebren nus la s. Messa fundada per las dunnas defunctas dall'uniun. Nus seregurdein en engraziament da tuttas dunnas che han tgirau e surviu all'uniun cun biars e buns survetschs. Duront il survetsch divin predein nus si l'unfrenda per l'instituziun da s. Lisabet.

## Informaziuns per Falera

Communiun dils malsauns: Gievgia, ils 05-11-09 **suentermiezdi**  
Gievgia, ils 19-11-09 **suentermiezdi**

### **Sentupada da geniturs e lur baptizants ils 8 da november 2009**

allas 15.30 uras en casa da scola.

Igl ei nies giavisch d'accumpagnar affons e geniturs era suenter la fiasta dil s. Batten. Ils geniturs han retschert in'invitaziun persunala. Cun quella caschun surdein nus als geniturs ed affons la tschitta ch'ei stada tochen dacheu sper il crap dil Batten.

A casa lai la tschitta buc'emblidar ch'igl affon ha retschert il sacrament dalla veta surnaturala che ha part dalla cuminonza cristiana. Sco la tschitta sgola libramein ella natira, aschia ei era il battegiu in affon da Diu che ha retschert la libertad sco grond scazzi.



**Devoziun per ils pigns**, mardis, ils 10 da november 2009 allas 16.00h en baselgia. Nus envidein cordialmein tuttas mummas ed affons pigns a quella devoziun.

**Devoziun d'Advent** : Sonda ils 28 da november 2009 allas 19.00h sin plaz posta, lein nus entscheiver comunablamein il temps da spetga sin Nadal.

### **Gratulaziun**

Ils 25 da november 2009 festivescha Gion Arpagaus siu 80avel natalezi. Nus gratulein cordialmein al giubilar e giavischein tut il bien, buna sanadad, la benedicziun dil Tutpussent ed in legreivel di da fiasta el ravugl da sia famiglia.


### **Radunonza dall'Uniun da dunnas**, sonda ils 06-11-2009

La suprastonza envida tuttas commembras ed era novas fatschas a quella radunonza generala. A tuttas in grond engraziament per vies agir ella cuminonza e per vos survetschs che sustegnan las tradiziuns religiusas en las famiglias sco era ella pleiv.

**Venderdis, ils 20-11-2009 allas 19.30h** celebrein nus la s. Messa per las dunnas defunctas dall'uniun. Igl ei in segn d'engraziament viers ellas ch'ein s'engaschadas pil beinstar dalla societad e pleiv. Nus prendein si l'unfrenda per l'instituziun da s. Lisabet.

# FEGL PAROCHIAL PFARREIBLATT LAAX – FALERA

## November 2009



### **Uffeci parochial / Kath. Pfarramt**

Via principala 68, 7031 Laax, Plevon: Sur Peter Aregger,  
Tel. 081 921 41 12, E-mail: [aregger.peter@bluewin.ch](mailto:aregger.peter@bluewin.ch)  
Secretaria dallas pleivs: Natalia Gliott Tel. 079 283 45 80  
E-mail: [kath.kirche.laax@bluewin.ch](mailto:kath.kirche.laax@bluewin.ch)  
Adressa d'internet: [www.pleiv-laax-falera.ch](http://www.pleiv-laax-falera.ch)

### **Reformiertes Pfarramt Sagogn-Laax-Falera**

Pfarrer Thorsten Minuth, Encarden 24, 7152 Sagogn.  
Tel. 081 921 68 55, e-mail: [minuth@kns.ch](mailto:minuth@kns.ch)